



## Vita de ploania y de paisc

- **Pissies da Pasca:** en vendres ai 1 d'aorí por la Joneza, en sabeda ai 2 d'aorí por i scolari d'elementara y mesana, en jöbia ai 7 d'aorí por les Uniuns dai Ei y dles Eres.
- **La pilora da Pasca 2020** é n envit da perié do vocaziuns. L'oraziun "Gejú, bun famei" de San Jan Paul II° é ponsada desco oraziun da dí entrés endô te familia y pa funziuns te dlijia (al nen gnará porché ince motü tai libri co é tles proches). La "Corona por vocaziuns" n'é nia ma é en envit da dí la corona por cösta intenziun mo ince a daorí sô la Sacra Scritôra por jí plü sot tai misters ch'i periun. Danca ciefunse la "Drapamonta de Santa Maria" ch'i odun sôn le gran alté da Santa Maria de forá, festa dla Prejentaziun dal Signur, co é ince le "De dla vita consacrada" y passeneia porchel pa l'intenziun dla pilora.
- **Caritas - Spenores por l'Ucraina:** la Caritas preia der bel do spenores por l'Ucraina. Cöstes pón fá tres la plata internet <https://www.caritas.bz.it/> (olá ch'an cifa dotes les enfermaziuns) o la domegna ai 3 d'aorí do la gran messa olá che le grup dla Caritas de nosta ploania les tól sô dan dlijia.



## Corona por la pêsc – Oies, dedolönesc ai 5 d'aorí ales 18:00

La vera te Ucraina nes á daurí i edli sôn tan de crudelté che le monn mess tigní fora. I ne podun nia oje i edli y ciaré da n'atra pert ia. I ne podun nia resté "freic" dan le patimont de miliuns de porsones. Ci podunse pa fá? Daidé con de bones operes, con la ciarité y l'ospitalité, y daidé tres l'oraziun.

Te vigne ploania vegnel belo fat trep, de cösc vers, mo empó oress l'Unité Pastorala Val Badia envié i fedei de dotes les ploanies a perié deboriada, por la pêsc.

**En dedolönesc, ai 5 d'aorí, les 18:00, sô Oies, gnarál dit la corona por la pêsc te Ucraina y sora dôt le monn. Düc é der bel enviés da tó pert.**



## Enformaziuns y termins

**KVW Senioreclub:** en dedemesaledema ai 30 de merz él ales 18:00 te dlijia d'Al Plan les Staziuns con le cor dai seniorens. Düc é enviés.

**Museum Ladin:** l'Azienda Museums Provinziai chir n/na afitadin/a por le bistro dal Museum Ladin Ciastel de Tor por i proscimi trei agn. Enformaziuns ciefaise sôn la plata internet [www.museumladin.it/la/novites.asp](http://www.museumladin.it/la/novites.asp) o al ☎ 0474 524062 (dertan i orars d'ofize). Domanda scritta con düc i documonc da mené cina les 12:00 dai 8 d'oaorí a ml.ml@pec.prov.bz.it

**Dôt le bun a:** Lois Craffonara \* 27.03.1940  
y a düc chi co á santennom y complesc i agn cöst'edema

**Impressum:** Ploania d'La Pli; redaziun Franz Rigo y Edith Willeit  
**Comunicaziuns:** cina le dedemesaledema sera a Franz Rigo, ☎ 347 2310129 o ✉ ploania@gmx.net  
**Download plata:** [www.unitepastorala.org](http://www.unitepastorala.org)




## Plata dla Ploania La Pli de Mareo Santa Maria dal Bun Consei

Ploian: Signor Klaus Sottsas  
✉ [klsottsas@rolmail.net](mailto:klsottsas@rolmail.net)

Calogna Al Plan: ☎ 0474 501006  
Radio de Ploania: 93,00 MhZ

UNITÉ PASTORALA



VAL BADIA

[www.unitepastorala.org](http://www.unitepastorala.org)

Ann C

27.03.2022 - Cuarta domegna de Carsema "Laetare"

n. 18

## Le fi pordü y la misericordia dal Pere

📖 **Is 5, 9a.10–12 | 2 Cor 5, 17–21 | Lc 15, 1–3.11–32**

### Dal Vangelo do San Lüca:

[...] <sup>17</sup>Danló él jü ete te se enstes y á dit: Tan de oras de mio pere á pa plü co assá da mangé, y iu möri atló da fan. <sup>18</sup>I ô pié ia y jí da mio pere y ti dí: Pere, i á fat picé cuntra le ci y cuntra te. <sup>19</sup>I ne sun nia plü degn da ester to fi; tolemo sô desco önn de tû oras. <sup>20</sup>Spo él pié ia y é jü da so pere. [...]

<sup>25</sup>So fi plü vedl ea dertan fora sôn ciampopré. Canch'al é gnü y é roé dlungia ciasa, aldil sonenn y balenn. <sup>26</sup>Al n'á cherdé önn dai fanc y á damané ci che cösc dea significhé. <sup>27</sup>Le fant á respognü: Al é gnü to fre, y le pere á lascé tó ia le videl mioré, ciodí ch'al l'á endô ciefé sann entun. <sup>28</sup>Danló s'ál dessené y n'orea nia jí ete. So pere endere é gnü fora y á proé da ti baié bun. <sup>29</sup>Mo al ti á respognü al pere: I te sorvesci belo tan d'agn, y mai n'ái fat val' cuntra tû comani; a me ne m'aste mai scinché val', gnanca n asó, ch'i podess fá na festa con mi amisc. <sup>30</sup>Pornanch'al é roé adalerch cösc to fi, che á desmandré to avei con prostitutes, aste lascé por el tó ia le videl mioré. <sup>31</sup>Le pere ti á respognü: Mio möt, tó es tres pa me, y dôt, ci co é mio, é ince to. <sup>32</sup>Mo sen messunse pö se ralegré y fá festa; deache to fre ea mort y vir endô; al ea pordü y é endô gnü ciefé. [...]

**I ponsun do:** *Gejú sta en compagnia de piciadús co n'á nia la derta fidonza tla misericordia de Chel Bel Dio, y al ti cuntá la parabola dal pere misericordius. La secunda pert dla parabola é spo adressada a chi co s'arata enstesc iüsc y co á pücia comprenjiun por la misericordia de Chel Bel Dio por i piciadús; chisc é chi co mina de n'avei nia debojügn de sôa misericordia. A chisc i vegnel dé – tal eejempl dal fre co s'arata enstes iüst – en amonimont.*

**I periun:** *Bel Dio, to Fi t'á encündé desco le Pere co s'aspeta y se pordona. Scínchese fidonza te töa misericordia y ligreza por to pordonn. Por Gejú Crist, nosc Signur.*

Vesco Wilhelm Egger "Sonntagsbibel"

📖 **Letôres dla Cuinta domegna de Carsema:**  
**Is 43, 16–21 | Fil 3, 8–14 | Jan 8, 8–11**



**Edema liturgica dai 27.03. ai 03.04.2022**

<b>DOM 27.</b>	<b>Cuarta domegna de Carsema "Laetare"</b> <i>Haimo, Frowin</i> <b>De dal Seminar</b>
<b>08:00</b> <b>08:30</b> ora da disté!	<b>corona por perié do la pêsc</b> <b>gran messa por dōta la ploania</b> <i>oferta por le Kassian Tschiederer Werk</i> <b>s.m.</b> en onú de Sant Ojep por le families <b>s.m.</b> por la pêsc
<b>Lön 28.</b> →	<i>Guntram, Wilhelm, Ioana</i> <b>de d'oraziun te familia</b>
<b>Ded 29.</b> → <b>10:00</b>	<i>Helmut, Wilhelm, Ludolf</i> <b>s.m. de sopoltōra dla † Maria Rindler ved. Daverda, Corterei</b>
<b>Dem 30.</b> →	<i>Diemut, Roswita</i> <b>de d'oraziun te familia</b>
<b>Jōb 31.</b> → <b>19:00</b> <b>19:30</b>	<i>Cornelia, Guido, Benjamin - de d'oraziun do vocaziuns</i> <b>corona por perié do vocaziuns</b> → <b>poscibilitè da se pissié</b> <b>s.m.</b> por la pêsc dalunc y dampró <b>s.m.</b> por benefaturs d'La Costa
<b>Ven 01.</b> → <b>19:30</b>	<i>prōm vendres - Irene, Hugo, Gilbert</i> → <i>astinonza dla cern</i> <b>signor ploan va a proveder</b> <b>pissia da Pasca por la Joneza, con sig. Tone y sig. Klaus</b> <b>s.m. con Comegnun da Pasca</b>
<b>Sab 02.</b> → <b>08:00</b> <b>19:30</b>	<i>Francesch de Paola, Maria d'Egit</i> <b>pissia da Pasca por i scolari dl'elementara y mesana</b> <b>s.m. prefestia</b> por la fam. Hubert y Marta Ploner <b>2<sup>a</sup> s.m. de sopoltōra</b> por † Maria Rindler ved. Daverda, Corterei <b>s.m.</b> por † Jep Lanz, dal Pico
<b>DOM 03.</b>	<b>Cuinta domegna de Carsema</b> <i>Richard, Elisabeth Koch</i>
<b>08:00</b> <b>08:30</b>  <b>14:00</b>	<b>corona por perié do la pêsc</b> <b>gran messa</b> por dōta la ploania <i>oferta por la ploania</i> <b>s.m.</b> por na porsona amarada <b>s.m.</b> por †† Nese y Martha Erlacher, Cargá <b>funziun dal Bato de Silvan Pedevilla</b>

<i>ministronc:</i>	• <b>dedolōnesc y sabeda:</b> Francesco E. y Marco • <b>jōbia y domegna:</b> Armin y Natalie
--------------------	---

<i>i recordun:</i>	Sr. Ludovica, Notburga Mühlmann, Balsan † 29.03.2014 Carlo Willeit, Selva † 29.03.2021 Maria Kehrer, Porsenú † 30.03.2012 Maria Agreiter ved. Chizzali, San Martin † 31.03.2012 Maria Cecilia Willeit, Bornech † 02.04.2019
--------------------	---

 **La parora de Dio - secunda letōra dla quarta domegna de carsema**

**Dala secunda letra de San Paul ai Corinć (2 Corinć 5, 17–21)**  
Fredesc y sorus! <sup>17</sup>Sce zacai é te Crist, spo él na creatōra nea. Le vedl é passè, val' de né él diventé. <sup>18</sup>**Mo dōt cōsc ven da Idio, co nes é reconzilié con el tres Crist y co nes á sorandé le minister dla reconziliaziun.** <sup>19</sup>Al é sté Idio co á reconzilié con se enstes le monn te Gejú Crist, ne ti aratenn nia ala jont sōes colpes y nes sorandenn a nos la parora dla reconziliaziun. <sup>20</sup>Nos sun anunziadus tal post de Crist, y al é Idio co ejorteia por meso de nos. I ves periun tal ennom de Crist: lascésse reconzilié con Dio! <sup>21</sup>Por nos ál tratè desco n piciadú chel co ne conesciea degün picé, por ch'i diventasson te el iustizia de Dio.



**Update! Pissia - Ci dessi pa pordert mo confessé?**

Por ciafé fora ci co ne sogá nia endortōra te mia vita y ne corespogn nia ala orenté de Chel Bel Dio, nes lasciuense daidé da n ejam de coscienza (Beichtspiegel). L'ejam de coscienza plü vedl é i "Diesc Comandamonc". Mo an ciafa ince d'atri aiüc. Atló nen ciafeste önn en particular, scrit aposta por jont jona (y nia ma ...):

Nia ma sc'i mo comporti zonza amur, é cōsc picé, mo ince sc'i ciari ma de me enstes y sc'i ne mo lasci nia emprōma orei bun da Chel Bel Dio. Sc'i ne toli nia sō so amur zonza fin, danló vegni enstes na porsona co n'é nia bona da orei bun.

- **Ch'i mo godi les beles cosses dla vita, n'é degün picé,** mo sc'i meti cōstes al post de Chel Bel Dio y sc'i messi les avei te dōtes les manieres.
- **Ch'i ó davagné bun, n'é degün picé,** mo sce le benester é por me la cossa plü emportanta. Y ince sc'i á tema da perde val' sc'i partesci y á n cōr davert ince por i atri.
- **Che iu m'la feji avarei, n'é degün picé,** mo sc'i adori mal mi derc, sc'i n'á degüna comprenjiun y sc'i sun dūr de cōr o sc'i ne respetei nia i derc dai atri.
- **Ch'i á dejiders y sentimenc sessuai, n'é degün picé,** mo sc'i ne i tegni nia sot a control o sc'i anüzi d'atri por accontenté mies pasciuns.
- **Che porsones ne m'é nia simpatices, n'é degün picé,** mo sc'i mo comporti con cheres desch'ares ne foss nia ince fis y fies bunorüdes de Chel Bel Dio.
- **Ch'i criticheii d'atres porsones, n'é degün picé,** mo sc'i le feji de prescia y zonza ponsé, zonza respet y amur, y sc'i les ofeni y les feji fora sletes.
- **Sc'i sonti envidia, senn o plajei por le mal dai atri, n'é ciamó degün picé,** mo sc'i ne proi nia da superé mi sentimonc y sc'i mo lasci condü da chisc te mies aziuns.
- **Ch'i baii dai atri, n'é degün picé,** mo sc'i baii zonza ponsé sora o con senn mal dai atri.
- **Sc'i scuti chit de situaziuns de conflit, n'é degün picé,** mo sc'i scuti olache d'atri ven scraiaés fora o é vitimes de baujies.
- **Ch'i röi ete te confrontaziuns, n'é degün picé,** mo sce iu meti man da strité, ne ti meti nia averda a d'atri, sc'i ne prói nia da fá la pêsc.
- **Che mio cōr é tl'oraziun gonot öt, n'é degün picé,** mo sce le temp por l'oraziun mo sa sciode o sc'i ne mo prói gnanca da mo daurí a Chel Bel Dio y da aldí sōa usc.
- **Ch'i sun valiade malsogü tla fede, n'é degün picé,** mo sc'i mo destachi dala comunité dai credenc, sc'i ne toli nia pert regularmonter ales funiuns de dljia, sce les cosses de cōsc monn é plü emportantes co cheres dal ci.
- **Ch'i mo feji proiec por mia vita, n'é degün picé,** mo sce la fede te Chel Bel Dio n'á degüna emportanza y sc'al ne m'enteresceia nia che mia vita é vignedé te sōes mans.